

皆隱不現第七夢師子死者佛泥洹後一千四百七十歲中諸弟子修德之心一切惡魔不得擾亂七毫者七百歲後事

佛說阿難七夢經

三

竟五

佛說呵鵠阿那含經

東晉西城沙門竺曇無蘭譯

聞如是一時佛在舍衛國祇陀園呵鵠阿那含將五百優婆塞至舍利弗所作禮已却坐舍利弗爲說經大歡喜而退復至佛所以頭面著地又手繞佛三匝却坐佛問呵鵠阿那

含若有何功德教化五百弟子隨侍汝呵鵠阿那含即長跪又手言我常奉行佛所說四事何等爲四一者布施於人二者說善語三者占視同學給足有無四者同學者財共不計佛言善哉善哉已過去佛無有過是四事未來佛亦無有過是四事今現在佛亦無有

過是四事佛爲呵鵠阿那含說經已各大歡喜而退呵鵠阿那含還歸入舍呼諸人客奴婢坐著前好爲說經開解語生死善惡之道復上殿呼諸持藏人諸伎女著前爲說經戒已訖還至正殿齋戒牀上端坐定意便得等

心第一天上四王請諸天皆會坐共稱譽呵鵠阿那含功德天四王中尊王下至呵鵠阿那含舍面稱譽呵鵠阿那含功德呵鵠阿那舍時得等心不答天王佛邊有一比丘至呵鵠阿那含舍呵鵠阿那含起迎比丘前坐比丘說言佛坐中常相稱譽功德呵鵠阿那含

竟五

四

問比丘言佛稱譽我時邊有白衣無比丘言無有白衣正使有白衣有何等嫌疑耶呵鵠阿那含言佛語至誠恐白衣不信者便當墮泥犁中正使信佛語者便復來承事我布施我我不喜煩擾於人以是故問耳比丘辭去呵鵠阿那含言想朝來未食且留飲食便行

漂水下飲食訖比丘還白佛言屬至呵鷗阿
那含舍道說言佛坐中大相稱譽呵鷗阿那

舍因問我言佛稱譽我時邊有白衣無我言
無白衣正使有白衣有何等嫌疑呵鷗阿那
含言佛稱譽我實至誠不妄白衣不信佛語
者便當墮泥犁中正使信者便復來承事我

我不喜煩擾他人以是故問耳佛言善哉善
哉我不常爲汝曹說呵鷗阿那含有七事今
復益一事爲八事何等爲八事一者不求不

欲令人知二者信不欲令人知三者自羞不
欲令人知四者自慙不欲令人知五者精進
不欲令人知六者自觀不欲令人知七者得
禪不欲令人知八者黠慧不欲令人知所以
不欲令人知者不欲煩擾於人故不欲令人
知佛說經已諸比丘皆大歡喜起前爲佛作禮

佛說呵鷗阿那含經

五

竟五

佛說燈指因緣經

樂秦三藏法師鳩摩羅什譯

若種少善於勝福田人天受樂後得涅槃是
以智者應當勤心修習善業言福田者即是
佛也佛身光明如融金聚功德智慧以自莊
嚴得圓足眼善能觀察衆生諸根世間黑闇
爲作燈明衆生愚癡爲作親善衆善悉備名
稱普聞牟尼世尊衆所歸依是故人天至心
修福無不獲報

昔王舍城五山圍繞於五摩伽陀最處其中
此王城內里巷相當庭園廣博臺觀嚴麗堂
室綺妙高軒敞朗周匝欄楯有好林池甚可
愛樂其水清淨溫涼調適通渠迴流轉相交
注林樹蕭森枝條蓊鬱華實繁茂映蔽日月
風吹華林出微妙香其香馝馞芳馨四塞徧
王舍城諸勝智人修梵行者咸以此地莊嚴
殊特心生喜樂自遠而至雲集其中

時此城主阿闍世王道化光被遐迩所歸正